

U CASTEDDU DI A CINARCA

Cinarcia hè un casteddu anzianu, tipicu di u medievu corsu., si trova à nantu à a cumuna di Casagliani. Hè iddu chì hà datu u so nomu à una dinastia di nobili isulani, i Cinarchesi. Sicondu a tradizioni, issi signori sariani l'eredi di l'eroi Ugo Colonna (IXu seculu), mandatu in Corsica da u papa par scaccià i Sarracini. Fù distruttu u locu da i Ghjinuvesi di a Banca di San'Ghjorghju, dopu à a caduta è l'esiliu di l'ultimu Conti di Corsica, Ghjuvan'Paulu di a Leca, è a fundazioni d'Aiacciu in u 1492.

Quali erani i Cinarchesi ?

Ugo Colonna avaria avutu dui fiddoli, Biancu è Cinarcu, chì ani missu in piazza dui dinastii nobili : i Biancolacci è i Cinarchesi.

U casteddu maestru di i Biancolacci era quiddu di Capula, vicinu à Livia. Quiddu di i Cinarchesi, ben'intesa, u casteddu di a Cinarcia.

À a mità di u XIIIu seculu Asinunceddu di a Rocca, chjamatu dinò Ghjudici di a Cinarcia, sottimetti à Ladru Biancolacci. I Cinarchesi duventani da tandu a famidda principali di i nobili corsi.


Par essa conti ci vulia à essa dia famidda di a Cinarcia è tena u casteddu di u stessu nomu, po' essa elettu da i riprisintenti di u populu.

Cinque conti eletti isciarani da u cippu cinarchesu :

Casa di a Rocca : Asinunceddu dittu Ghjudici (1219 - 1306 o 1312), Arrigu (? - 1401), Polu (? - 1441)

Casa d'Istria : Vincinteddu (1380 - 1434)

Casa di a Leca : Ghjuvan' Paulu (1445 - 1515)



Capula / Biancolacci

Cinarcia / Cinarchesi